

沈氏尊生書卷二

傷寒論綱目

太陽經

惡熱

沈金鰲輯

綱仲景曰。心下痞。按之濡。大便硬。而不惡寒。反惡熱。其脉關上浮者。大黃黃連瀉心湯主之。

目戴元禮曰。發汗後。只惡寒者。爲虛。虛乃表虛。發汗後。只惡熱者。爲實。實乃裏實。只惡寒者。早發其汗。或汗出太過。謂陽微。則惡寒。宜芍藥甘草附子湯。只惡熱。是表已解而裏不消。所謂陰微。則發熱。宜大柴胡湯。或小承氣湯。

柯琴曰。濡當作硬。夫按之濡。爲氣痞。是無形也。則不當下。且結胸症。其脉浮大者。不可下。則心下痞而脉上浮者。反可下乎。小



結胸按之痛者尚不用大黃。何此比陷胸更峻。此必有當急下之症。比結胃更甚。故製此峻攻之劑也。

鰲按。開上脉浮。是陽明少陽火勢熾矣。不惡寒反惡熱。是陽氣盛而外越極矣。大便硬。是陽邪固結而不解矣。此卽柯氏所謂必有急下之處也。如此則濡字非簡編之悞歟。

惡寒

沈金鰲輯

綱仲景曰太陽之爲病脉浮頭項強痛而惡寒

太陽病或已發

熱或未發熱必惡寒體痛嘔逆脉陰陽俱緊者名曰傷寒

目朱肱曰太抵太陽病必發熱而惡寒惡寒家慎不可過當覆

衣被及近火氣寒熱相薄脉道沉伏愈令病人寒不可當但去

衣被微火兼與以和表之藥自然不惡寒矣婦人惡寒尤不可

近火寒氣入腹血室結聚藥不能治

劉完素曰惡寒者不待風而寒雖身大熱而不欲去衣也是由

陰氣上入陽中或陽微或風虛相搏之所致惡寒一切屬表雖

裏症悉具而微惡寒亦是表未解也治法當先解外

王肯堂曰惡寒者風寒客于營衛非寒熱之寒又非惡風也不

待見風而後怯寒也甚則向火添被亦不能遏其寒經云發熱

惡寒發于陽。可發汗。無熱惡寒而蹇臥。脉沉細。發于陰。可溫裏。
惡寒雖悉屬表。亦有虛實之分。若汗出而惡寒。爲表虛。無汗而
惡寒。爲表實。表虛解肌。表實發汗。傷寒太陽病在表。故惡寒
少陽在半表裏。亦微惡寒。陽明在裏。本不惡寒。而或惡者。與太
陽合病也。

綱

仲景曰。病有發熱惡寒者。發于陽也。無熱惡寒者。發于陰也。

目劉完素曰。惡寒者。必繼之以發熱。此發于陽也。惡寒而蹇臥。
脉沉細而緊者。發于陰也。在陽可汗。在陰可溫。其止稱背惡寒
者。背爲陽。腹爲陰。陽氣不足。陰寒氣盛。則背爲之惡寒。若風寒
在表而惡寒。則一身盡寒矣。

張元素曰。惡寒有發陽發陰二症。發于陽者。脉必浮數。宜解表。
屬桂枝湯。桂枝二越婢一湯。麻黃湯。青龍湯症也。

綱 仲景曰：發汗病不解，反惡寒者，虛故也。芍藥甘草附子湯主之。

目 楊士瀛曰：汗後反惡寒，表雖不解，急當救裏。若反與桂枝攻表，此悞也。故去桂，姜棗加附子，以溫經散寒。助芍藥甘草以和中。腳攣急，與芍藥甘草湯，本治陰虛。此治陰陽俱虛，故加附子。皆仲景治裏不治表之義。

綱 仲景曰：脈微而惡寒者，此陰陽俱虛，不可更發汗。更吐更下也。

目 朱橐曰：若其人熱雖多，而脈甚微，無和緩之意，是陰弱而發寒。雖少而惡之更甚，是陽虛而惡寒。陰陽俱虛，當調其陰陽，勿妄治以虛其虛也。

綱 仲景曰：傷寒大下後，復發汗，心下痞，惡寒者，表未解也。不可攻痞。當先解表，乃可攻痞。解表宜桂枝湯，攻痞宜大黃黃連瀉心湯。

目 朱肱曰：太陽陽明少陰，皆有惡寒。要之惟太陽病，不問已發



熱未發熱必惡寒也。

柯琴曰：心下痞。是誤下後裏症。惡寒。是汗後未解症。裏實表虛。內外俱病。皆因汗下倒施也。表裏交持。仍當遵先表後裏。先汗後下。正法。蓋惡寒之表。甚于身疼。心下之痞。輕於消穀。與救急之法不同。

綱仲景曰：心下痞。大便硬。心煩不得眠。而復惡寒。汗出者。附子瀉心湯主之。太陽病。寸緩。關浮。尺弱。其人發熱。汗出。復惡寒。不嘔。但心下痞者。此以醫下之也。

目柯琴曰：心下痞。當有便鞭。心煩不眠。故用此湯。但心下痞而惡寒。表未解也。當先解表。宜桂枝加附子。而反用大黃。悞矣。但以醫下之。而心下痞。猶發熱惡寒。故屬太陽症。

綱仲景曰：陽明病。脈遲。汗出多。微惡寒者。表未解也。可發汗。宜桂

枝湯。

目朱肱曰此陽明之表症也。同于太陽而屬之陽明者。不頭項強痛耳。要知桂枝麻黃二湯。專爲表邪而設。不爲太陽而設。見麻黃症。卽用麻黃湯。見桂枝症。卽用桂枝湯。不必問其爲太陽陽明也。若惡寒一罷。則二方必禁。

鰲按仲景云。陽明病。脉浮無汗而喘者。發汗則愈。宜麻黃湯一條。乃言陽明之表脉。其症亦同太陽。故用麻黃湯發表。當與本條同看。

綱仲景曰。傷寒五六日。頭汗出。微惡寒。手足冷。心下滿。口不欲食。大便鞭。脉沉細者。此爲陽微結。必有表復有裏也。脉沉亦在裏也。汗出爲陽微結。假令純陰結。不得復有外症。悉入在裏矣。此爲半在表半在裏也。脉雖沉細。不得爲少陰病。所以然者。陰不得有汗。

今頭汗出。故知非少陰也。可與小柴胡湯。設不了了者。得屎而解。

目王肯堂曰、三陰惟少陰有惡寒之症。然少陰惡寒。又有二症。發于少陰者。無熱而惡寒。宜溫之。四逆湯。理中湯。少陰無熱惡寒。似與太陽經未卽熱一條相似。所謂寒未卽熱者。爲太陽症。具而未熱耳。少陰之無熱惡寒。蓋無太陽頭痛等症。知爲少陰也。若少陰惡寒而踰臥。時時自煩。欲去衣被者。活人書用大柴胡下之。趙氏以爲宜溫散經邪。導引真陽。汗而解可也。若下之。非惟不能解表。反虛其裏。使惡寒之邪。乘虛內陷。縱使其脉沉滑而實。亦未可遽用大柴胡。必須先解表。使惡寒症罷。而後可用也。少陰病。惡寒。身踰而利。手足逆冷者。不治。少陰四肢惡寒而身踰。脉不至。不煩而躁者死。有太陰自利不渴。厥陰下利厥逆。俱或惡寒。太陰宜理中湯。厥陰宜四逆湯。前旣言二

陰不惡寒。今又言或惡寒者。要知太陰厥陰本不惡寒。此陽傳陰者也。三陰皆能惡寒者。陰入陰者也。特在少陰爲多耳。陶華曰。惡寒者。寒邪入營衛。則洒淅惡寒。雖一切屬表。尚在肺陰陽所分。若發熱惡寒。兼之頭疼脊強。脉浮緊。寒邪在太陽表症也。宜汗之。照時令用藥。若無熱惡寒。體蹇。脉沉遲無力者。寒邪入少陰裏症也。宜溫之。四逆湯。

鰲按。此條但就脉言。曰沉曰細。俱是少陰。固不得與柴胡湯。惟推出頭汗。則猶有少陽現症。而非盡在裏矣。雖脉已屬少陰。而仍與柴胡也。且三陰脉不至頭。其脉止在身。三陽脉盛于頭。陽結則汗在頭。今陽微結。雖曰少陽。而微惡寒。畢竟尚有太陽表症之意。所以此條仍列入太陽惡寒門類。

Vertical columns of text, likely bleed-through from the reverse side of the page. The text is mostly illegible due to fading and bleed-through.



南京中医药大学图书馆版权所有
1961

惡風

沈金鰲輯

綱。仲景曰。太陽病。發熱。汗出。惡風。脉緩者。名爲中風。太陽病。頭痛。發熱。汗出。惡風者。桂枝湯主之。太陽中風。陽浮而陰弱。陽浮者。熱自發。陰弱者。汗自出。嗇嗇惡寒。淅淅惡風。翕翕發熱。鼻鳴。乾嘔者。桂枝湯主之。

目。劉完素曰。惡寒有屬陽。有屬陰。惡風則悉屬陽。三陰症並無惡風者。以此也。惡風雖悉在表。而發散又不同。無汗惡風爲傷寒。當發汗。汗出惡風爲中風。當解肌。裏症雖具。惡風未罷。當先解外。

趙獻可曰。惡風者。衛中四時之虛風。所以惡風也。其人當汗出。而脉緩也。數與桂枝湯。桂枝加葛根湯。使遍體微潤。連日當自解矣。

王履曰。衛氣者。所以溫肌肉。充皮膚。肥腠理。司開閤者也。故風邪中于衛也。則必惡風。惡寒。惡風。俱爲表症。但惡風比惡寒爲輕耳。惡寒者。雖不當風而時自怯寒。惡風者。居密室幃幙中。則無所畏。或當風。或揮扇。則淅淅然而惡也。

柯琴曰。風爲陽邪。風中太陽。兩陽相搏。而陰氣衰。少陽浮。故熱自發。陰弱。故汗自出。中風惡風。類相感也。風性散漫。脉應其象。故浮而緩。若太陽初受病。便見如此脉症。卽可定其爲中風。而非傷寒矣。二條是桂枝湯本症。合此症。卽用此湯。不必問爲傷寒。中風。雜病也。四症中。頭痛是太陽本症。頭痛發熱。惡風。與麻黃症同。本方重在汗出。汗不出者。便非桂枝症。三條乃太陽中風之桂枝症。非謂凡中風者。便當主桂枝也。二條脉症。是概風寒雜病而言。三條加中風二字。其脉其症。悉呈風象矣。

綱仲景曰太陽病發汗遂漏不止其人惡風小便難四肢微急難以屈伸者桂枝加附子湯主之

目朱肱曰此症當溫其經故桂枝加附子也

劉完素曰汗多亡陽則衛不固是以惡風也桂枝加附子溫其經而固其衛也

陶華曰惡風者風邪傷衛腠理不密由是惡風悉屬于陽非比惡寒乃有陰陽之別者

鰲按此四症並見却以汗不止小便難爲重以二者由於心腎故喘治之而惡風四肢急俱痊也蓋太陽雖當汗汗不止則亡陽風乘虛入故又惡風汗多必津竭故小便難四肢者諸陽之本陽亡則不能榮筋故筋急而屈伸不利也

綱仲景曰風濕相搏骨節煩疼掣痛不得屈伸近之則痛劇汗出

短氣。小便不利。惡風。不欲去衣。或身微腫者。甘草附子湯主之。

目 劉完素曰。濕勝自汗。而皮腠不密。是以惡風也。甘草附子湯。所以散其濕而實其衛。

柯琴曰。身腫痛劇。不得屈伸。濕感于外也。惡風不欲去衣。風淫于外也。汗出短氣。小便不利。化源不清也。君桂枝以理上焦而散風邪。佐朮附甘以除濕而調氣。

鰲 按此風濕爲病。而濕尤中于周身營衛之間。不能推布其患。爲尤重者。故小便不利身腫二句。最宜着眼。

振戰慄

沈金鰲輯

綱。仲景曰。傷寒若吐若下後。心下逆滿。氣上冲心。起則頭眩。脉沉緊。發汗則動經。身爲振振搖者。茯苓桂枝白朮甘草湯主之。太陽病。發汗。汗出不解。其人仍發熱。心下悸。頭眩。身潤動振振欲擗地者。真武湯主之。

目。成無已曰。振者。森然若寒。聳然振動者是也。傷寒而振。皆由虛寒。蓋以欲汗之時。其人必虛。必蒸蒸而振。却發熱汗出而解。振近戰而輕者。爲振矣。戰爲正與邪爭。爭則爲鼓。慄而戰。振但虛而不至爭。故惟聳動而振也。下後復發汗。振寒者。爲其表裏俱虛也。亡血家發汗。則寒慄而振者。謂其氣血俱虛也。諸如此者。止于振聳耳。其身爲振振搖。振振欲擗地。二者皆發汗過多。亡陽經虛。不能自主持。故身爲振搖也。又非若振慄之比矣。

此二湯皆溫經益陽滋血助氣之劑。經虛陽弱得之。未有不獲全濟之功者。

綱 仲景曰。問曰。病有戰而汗出。因得解者。何也。荅曰。脈浮而緊。按之反芤。此爲本虛。故當戰而汗出也。其人本虛。是以發汗以脈浮。故當汗出而解。若脈浮而數。按之不芤。此人本不虛。若欲自解。但汗出耳。不發戰也。

目 韓祗和曰。汗下後戰者。與救逆湯微減。與羊肉湯再投而戰解。若陰氣內盛。正氣大虛。心慄鼓頷。身不戰者。遂成寒逆。宜灸之。或用大建中湯。仲景治尸厥戰而慄者。刺期門巨闕。吳綬曰。凡戰者。大抵氣血俱虛。不能榮養筋骨。故爲之振搖。而不能主持也。須大補氣血。予曾用人參養榮湯得效。又一人身搖不得眠者。以十味溫膽湯倍加人參而愈。內經曰。寒之傷人。



使人毛髮畢直。鼓領戰慄而無汗。按此表寒而戰慄也。此言病有戰而汗出。因得解。其脉浮而緊。按之反芤。此爲本虛。故當戰而汗出也。又曰。脉陰陽俱停。以三部浮沉遲數脉同等。必先振慄。汗出而解。若脉浮數。按之不芤。其人本不虛者。則汗出解。不戰也。若不戰而心慄。此陰中于邪。必內慄也。凡正氣怯弱。寒邪在內。必爲慄也。宜詳究焉。

綱 仲景曰。太陽病未解。脉陰陽俱停。必先振慄。汗出而解。但陽脉微者。先汗出而解。但陰脉微者。下之而解。若欲下之。宜調胃承氣湯。

目 成無已曰。戰與慄二者。形相類而實非一。有內外之別焉。戰者。身爲之搖。慄者。心戰是也。經曰。胃無穀氣。脾澁不通。口急不能言。戰而慄。卽此觀之。戰之與振。振輕而戰重也。戰之與慄。戰